



Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MCDXCVI. Liquidation der Herzogin Katharina von Mecklenburg wegen der
Schäden, welche ihre Unterthanen durch Bewohner der Mark in den Jahren
1420 bis 1424 erlitten haben.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

grotes qwekes, offen vnd koyge vnd grepen twa lude, dar se en schaden anne deden so gud alle twe hondert schok. Eodem anno Nam Godeward van pleffen dar sulues to mefendorpp achteyn par hoke offen, dar se en schaden anne deden so gud alle XXXIII schok.

Nach der Urschrift.

MCDXCVI. Liquidation der Herzogin Katharina von Mecklenburg wegen der Schäden, welche ihre Unterthanen durch Bewohner der Mark in den Jahren 1420 bis 1424 erlitten haben.

Desse nagescreuen schade is vns vrowen katherinen to meklenborch hertoginnen vnd vnser kinderen an deme lande to mecklenborch vnd dessen nagescreuen vogedyen gescheen bynnen der heren vrede vnd Sone van des Markgreuen mannen vte der marke to brandenborch vnd dar wedder in.

To deme irsten MCCCCXXII in der vogedyen tor Nyenstat Nemen de van kumelozen kule vnd koldune to Blitzemestorpe XVIII koye. Vortmer dar na plote van kumelozen brande de kerken to Muchow vnd als id dar belegghen was, pucheden dat reyne vth, nemen dar koye, perde vnd Swin, als id dar was, vnd gevenghen dar enen Man, de summa lopet wol fos hondert bemefche Schok, Vortmer MCCCCXXIII^o. nemen de Trebbowen vnd vette Hans to muchowe fos perde vnd tve jehere perde.

Vortmer dar na to hant Nam Beteke kerbergh tome Stolpe viif perde ok nemen Hans Ror, Beteke kerbergh vnde Barekeman in deme lande tor Nyenstat tve vnde twintich perde, achte offen, venghen enen man vnde slugghen enen man dot. Vortmer zo heft hans Ror beschattet vnser man vte der vogedyen tor Nyenstat bynnen desser tyt, dat alle vanghenen dach scolden hebben.

Vortmer zo heft Bernd Ror tome Nyenhufe vnseme bure van Muchhowe dre tunnen haringes affgeschattet.

Ok claghet vnse Borgermeister van der Nyenstat, dat em sin Sone affslagghen is vnd is gescheen vanne Nyenhufe vnd dar to.

Desse nagescreuen schade is gescheen in den vogedyen grabow vnd gorlozen. To deme irsten Cone karstede, Gheuerman vnde Bareke man vnd des Ghanfes knechte, desse weren vor grabow, Nemen hans molenbeken tve perde zo gud alz XII lub. mark, vortmer Claves gottzen VII perde zo gud alz L lub. mark, Vortmer kokerouen III perde zo gud als XXX lub. mark, Vortmer pallatzen tve perde zo gud alz softich lub. mark. Ok wundeden ze Symon tymen beth in den dot: vortmer grepen ze pallatzen synen knecht aff, deme ze affchatteden softeyn lub. mark: dit schach to der hollenbeken aff vnd to, des ersten jares, do de heren den vrede makeden.

Vortmer in desselme jsten iare, alzo de heren den vrede makeden, Nemen vor grabow hinrik winteruelt, Hinrik greuenittze vnd Bolte grabow mit eren helperen Claves Sutor dre perde, zo gud alz XV lub. marc, Henneke detherde III perde zo gud alz XXX lub. marck vnd slugghen ene suluen dot: dit schach an sunte jacobes dage.

Vortmer des midweken in der quatemper vor funte mychele Nemen junghen hinrik greuenittze, deghener putzwakker vnd Trebbow vor grabow Symon tymen twe perde, zo gud alz XII lub. mark: ok vorlos ene ko zo gud alz III lub. mark: hir was hans plote mede.

Vortmer nemen vor grabowe des Ghanfes Sone vnd des ghanfes knechte mit jren helpren Ludeman wifen veer perde zo gud alz XXIII lub. mark. Item Clawes Ebelen III perde zo gud alz XXIII lub. mark. Item Heyne muchghowen III perde zo gud alz XV lub. mark. Item do fulues den buren van pritzwelke fos vnd vertich houede quekes zo gud alz hondert lub. mark. Vortmer in deme owefte van kumelozen aff vnd to, So mordede koldune heyne Scomakere enen borger van grabow vnd nam en X lub. mark: ok do fulues worden nomen Clawes tymen III perde vnd hermen knokenhowere III perde tofamide zo gud alz XL lub. mark: dat deden de ploten van kummelozen aff vnd to.

Vortmer Mathias van Bredow, do he voget was to gorlozen, Hans plote, Bolte van grabow, Arnd düpowe to buttze, Duntze kumpfuluer mit eren medehelpren nemen den buren van karftede vif vnd vestich koye zo gud als hondert lubesche mark vnd XXXIII lub. mark. Ok do fulues veer vnd vestich Offen zo gud als hondert lub. mark. Ok XVIII Swine alz XXIII lub. mark. Item XXXI seghen zo gud alz III lub. mark, vortmer worden dar fos lude grepen, den affgeschattet worden hondert lub. mark vnd XXXI lub. mark. Ok geuen ze to Stokgelde VI lub. mark ane andere vnplicht vnd schaden, den ze daranne deden. Ok worden dar to twe lude dot gellaghen vnd dre ghewundet beth in den dot. Item do fulues to Thechentin worden ghenomen dre vnde vestich Offen, zo gud alz hondert lub. mark vnde Souentich lub. mark, Ok achte vnd vestich koye zo gud alz anderhalf hondert lub. mark vnd viff lub. mark, Ok druttich Swin zo gud alz XXX lub. mark. Item Sos vnd druttich Seghen zo gud alz viff lub. mark.

Vortmer de van gorlozen Nemen to ener andern tiit to karftede viff Stighe vetter Swin zo gud alz hondert lub. mark vnd twintich lub. mark. Ok nemen de fulues dar fos offen vnd twe koye zo gud alz XXI lub. mark. Ok weren Mathias von Bredowen knechte to twen tiiden to karftede, puchgheden dat vth, nemen dar an jugedomete, bedden, ketelen, grepen vnd klederen zo gud alz vppe foltich lub. mark.

Vortmer de voget van gorlozen nam Gotfalkes luden van klenowe viff perde vnd viff offen zo gud alz druttich lub. mark vnd slughen enen man dot.

Vortmer des Sondages vor funte Mertene weren Hans vnd Jachim plote mit eren helpren to Cremmyn, Nemen dar alle vee, als id dar was, venghen dre bure, puchgheden dat dorp vnd vorbranden dat gantz aff, desse schade lopt wol vppe dre hondert lub. mark.

Vortmer hefft hans van qwitzow vte lentzen vnd dar vluchtiges in genomen dat queck to Brotelin mit synen knechten vnd medehelpren, dar de borgere van grabow mede hadden fos vnd vertich houede quekes vnd druddehalf hondert Scap. Desse schade der borgere to grabowe lopt vppe druddehalf hondert lub. mark, Sunder der buren schaden.

Vortmer koldune vnd Hanfes knechte van qwitzowe mit eren helpren hebben vorwultet desse dorpe in der vogedyen to gorlozen Alz Dadowe, Semerin, kersttorpe

vnd 'de Buke vnd hebben dat gedan vte lentzen vnd dar vluchtiges in mit volbort der van lentzen.

Vortmer jarlank an funte fabianus vnd Sebastianus dage iste nachte weren Syuert karstede, hans karstede, Bertolt grabowe vnd lange hans plote mit eren helperen, des Markgreuen huffsittenden mannen, in deme dorpe tome Crone, puchgheden vnd bodenstolpeden dat, Nemen dar an queke vnd an ereme reden gude wol vppe dre hondert lub. mark vnd sloghen do fulues dar ene arme vrowen dot.

Vortmer Bareke man, Teltzekowe, Hans plote, Mirtzener Borgherogge vnde de Seddineschen houelude, alz de dar wonen, Nemen to der Nezen teyn perde zo gud alz vestich lub. mark, gevenghen Hermen brande vnd Clawes Bremere vnd wundenen Hinrik bremere beth in den dot vnd beschatteden de vanghenen vppe XXXVI lub. mark, de Bareke man vnd Bandowe des byffcoppes voget to wiftok noch van deme brande tor Nezen willen hebbe.

Vortmer verteyndage na paschen Nemen Cone vnd hinrik van Redefftorpe vor gorlozen vte den ploghen achtteyn offen vnd deden dat vte der Marke vnd dar in.

Vortmer des mandages vor vnes heren hemmeluart dage Nemen vor grabowe Bareke man vnd Gherd wardenbergh III perde.

Desse schade is Reymere van plessen tor mernuttzen gescheen. To deme irften grep my Otte van blomendale bynnen der hern vrede, dar mede weren de parbergeschen, de pritzwelkeschen, de kyrittzeschen, de habelbergeschen vnd des Markgreuen huffsittende manne, als wilhelm von der weyde, de koningefmarken vnd Reyneke myntstede vnd moeste en to schattinge geuen fouen vnd twintich hondert lub. mark penninge verleye munte, dar to twe perde zo gud alz twintich lub. mark vnd hondert lub. mark vnd achte perde zo gud alz druttich lub. mark vnd dre hondert lub. mark, de my Reymere ok worden nomen, do my otte grep.

Vortmer worden my vor der mernitze genomen viff Schok Swin, So gud alz verdehalf hondert lub. mark, Achte offen, dre perde zo gud alz Softich lub. mark. Ok do fulues worden vor der Mernitze gevangen Sos lude, de geuen to der Schattinge an bottern, an arborsten vnd an anderem gerede So gud als druttich lub. mark vnd twe hondert lub. mark. Dessen schaden deden my de markeschen, Als Swarte van qwittzowe to der Nyenstat, Meyneke Ror, Philippus van grabowe de andern grabowen vnd de Reppinere ere medehelpere vnd schach aff vnd to der Nyenstat in dat lant to Reppin vnd to grabowe.

Vortmer to wodemittze in der vogedyen to der Mernitze geheten dat lutteke worden genomen vestich houede quekes offen vnd koye vnd darfulues worden gevanghen dre lude. Desse schade lopt vppe twintich lub. mark vnd twe hondert lub. mark, den dede my Steffen kerfelin van wiltberghe vnd dar vluchtiges wedder to.

Vortmer wart my asgevanghen kersten van Redestorpe, de gaff to der schattinge twe hondert lub. mark vnd worden fyne perde nomen zo gud als hondert lub. mark: dat deden de markeschen als Curd plote mit synen helperen.

Vortmer wart my Reymer van pleffen Weyfin afgegrepen vnd em worden fyne perde nomen, de schade lopt sik vppe dre hondert lub. mark. Dat deden Meyneke Ror, de karfteden vnd de Mintfteden. Vortmer is my Reymere afgegrepen Hans van Redeftorpe, de gaff to der fchattinge Softich lub. mark vnd em worden twe perde nomen So gud alz veftich lub. mark, dat deden Bolte van grabowe vnd Achim mollendorp. Vortmer wart myneme knechte Ghereke weyfine genomen fin perd, So gud alz vertich lub. mark, dat dede marte wonaftich to Tuchen vnd fyne helpere, Vortmer is myneme knechte Hanfe van Redefftorpe vnd fyner moder to zukowe genomen ere gere, ketele vnd gropen vnd hans is noch gegrepen, ok worden em dre perde genomen, So gud als druttich lub. mark. Dat dede Achim mollendorp vnd fyne hulpere.

Desse nagescreuen schade is gefcheen in der vogedyen to zwerin.

To deme irften na godes bort veer hondert vnd in deme dren vnd twintigften jaren tuffchen funte mychele vnd funte Mertene Nemen de Rore van der meyenborch, de Ghans van potleeft, de Rore vanme Nyenhufe vnd de van der Schulenborch mit eren helperen to pikkatele, to Stenvelde vnd to Pynnowe veer Schok koye veer Schok Swine vte der maft vnd IX Stighe pluchperde. Vortmer worden nomen by deme See to zwerin als to Sikhufen, to klene vnd to dem gallentine VIII ftighe perde vnd verteyn Menne gevanghen, dar was Bernd Ror mede vanme Nyenhufe, de Ghans de hadde dar XV perde mede, Volrat van tzule van der walfmolen de hadde dar VIII perde mede vnd reth vanme Nyenhufe vnd dar vluchtiges wedder vp. Hir was ok mede Gherd wardenberg Lowetzck geheten.

Vortmer zo is vfe mannen den molteken in vnfer vnd erer vogedyen to deme Strituelde deffen schade bynnen der heren vrede van des markgreuen mannen. To deme irften is en afgebrant walekendorpe dorp vnd kerkhoff wol anderhalffhondert Tymer, dar worden viff lude dot geflaghen dre Schok fpade Nomen dre hondert rede mark ok an plunderware zo gud alz dre hondert mark, dar vorbrande ok an queke an retfcop zo gud alz viff hondert mark: vnd dit vorbenante dorp giff alle jare pacht ver hondert lub. mark, der ze zodder emboren hebben. Desse schade lopt wol vppe veer dufent lub. mark. Dessen fchaden deden Clawes van koningefmarke, Beteke kerbergh, junghe otte van blomendale, olde otten zone vnd junghe otten van blomendales sone, Meyneke Ror, Swarte van qwittzowe, Curd plote, des Byffcoppes houetman van Haulberge Bandowe, Suringh, Bringekopp, Trebbowe, Cone vnd Syuert karftede, Hartwich plote Ludeke warnestede, Merten van kerberghe, de wardenborghe van vntze vnd Ebele mollendorp to Cramvur vnd deden dat to wittok vth vnd vluchtiges to. Vortmer zo is en to Nicore genomen Softich pluchperde druttich hufe afgebrant by nachtlapender tyt, twe lude de dot branden, Rede ghelt, plunderware, queck vnd Retfcop, dat dar vorbrande, So gud alz twelf hondert lub. mark. Ok is en genomen van deme kerkhoue to Sanowe an redeme gelde, an perden vnde an plunderware So gud alz twe hondert mark: deffen fchaden hefft gedan Curd plote, de mit fyner brodern an deme famenden zyt. Vortmer ouer twen jaren in der valtenen nam hans Ror

mit synen helpen leuetzowe to lunowe Sos vnd Softich perde plunderware vnd penninge So gud alz twe hondert lub. mark. Ok nam he enen bure in deme lande to gnoyen eluen perde vnd schattete em aff vertich lub. mark.

Vortmer der vridages vor palmen Nam pipenpalm III perde vor zwerin vnd brachte de vluc^l tiges to geldenittze to. Vortmer Gherd wardenbergh mit synen helpen hefft gevanghen vnser man Henneke Rauene. Vortmer des Sondages negeft vor pinxten als wy to wistok weren vppe deme dage, do nemen in vnser vogedyen to zwerin to deme pichghere Cone vnd hinrik van Redestorpe, hinrik van Alueffleue gumperdes broder, Gumpert van Alueffleues knechte Voltzeke van dadowe vnde Jarnatze Reyneke myntsteden bure twe van verbettze Clawes vnd Thewes henningh melberges knechte twe van wofrow, Hans van qwittzowen knechte twe Smylowe vnd Heyne witte Ok lange plote van kumeloze desse vorseuen nemen dar veer Schok koye vnd teyn koye. Vortmer zo hefft Rauen van pentzen, de in vnse vedderken hertogen Albrechten wedewen lifgedinge zit, mit synen helpen deme bysscoppe van Razeborch vte syne stichte, dat wy vordegedingen, nomen VIII stighe perde, dre Menne gevanghen vnd enen dot gellaghen sik an en vnvorwaret. Vortmer bouen allen dessen vorseuen schaden, So hebben de Ghanse van potleest, de Rore van der Meyenborch vnd vanme Nyenhuse vnd de jene, de ze houen vnd hufen, vnd ok vele meer Markesscher Manne bynnen der heren vrede in vnseme lande rouet vnd brant vnd wol veer dusent perde nomen, So gud als twintich dusent lub. mark. Vor alle dessen vorseuen schaden Begere wy vrowe katherina to meklenborch dat gi leue here vnde Swegher vns vrbote, weddertat ilte wandels vmme behelpen.

Nach dem Original.

MCDXCVII. Herzog Heinrich von Meckelnburg-Stargard erklärt der Markgräfin Elisabeth, daß er die Aussetzung des zur Wittstocker Zusammenkunft anberaumten Tages genehm halte und bittet um Entlassung der Meckelnburgischen Gefangenen, am 12. März 1424.

Vnser Vrontliken Denft touor Vnd wes wy guds vormogen. Irluchtighe hochgeborne flurstynne Vrouwe vnd leue vrundinne. Alze vns juwe leue scriuen hefft von weggen vnser leuen Omes des Markgrauen, dat em alzodane zake weddervaren synt, dat he vp den dach to wistok vp den sondach to Reminiscere *) nicht komen kan, vnd hefft juwer leue screuen vnd beden vns to scriuende vord vp den andern sondach, alzo de hilghe kerke singet Oculi **) so wil sine leue myt godes hulpe dar vnortogen wesen. Leue vrouwe vnd vrundinne, alzo hefft vns vnse leue vedderke katherina van godes gnaden hertoghyne to Mekelen-

*) d. i. den 19. März.

**) d. i. den 26. März.